

靖邊志稿卷一

輿地志第一	形勢	疆界	八景
建置志第二	沿革	城池	公署
戶口志第三	舊牌甲	現行保甲	墳墓
田賦志第四	田賦	雜課	倉儲
風俗志第五	習俗	歲時	

光緒己亥年刊

靖邊志稿

板藏縣署

靖邊志稿序

靖邊近河套在前明爲靖邊衛重於屯兵以禦外侮我

朝蒙古內屬改衛爲縣則休養之意多也至同治初渭南獮匪作亂延及北山各郡縣靖邊亦陷於賊兵燹之後元氣迄未能復宰是邑者睹民生之彫敝宜思撫綏士氣之頽唐宜思振作田野之荒蕪宜思墾闢商賈之寥落宜思招徠凡所爲利宜興弊宜除者皆良有司是賴秦安丁黼臣大令宰靖邊三年以靖邊志稿成屬序於余是必大令於撫綏之德振作之方墾闢之功招徠之術已獲有成效而始出餘力以著此志也近代各牧令視一官如傳舍簿書奉行苟求無過遂爲盡職矣大令勤於其

靖邊縣志

官卽一志乘之成已精心果力如此則夫平日於地方公事興利除弊其有志竟成固何如耶大令可謂造福靖邊者矣余嘉大令自待之厚不同俗吏故樂爲之序大令自謂喜讀康對山武功志胡可泉秦安志對山武功志王文簡公所謂文簡事賅訓詞爾雅者也大令旣喜讀之則此志與對山書或間有出入大令可復按而自得焉勿俟余贅言也

光緒二十五年己亥四月八日陝西承宣使者萍鄉李有棻拜

敘

靖邊志稿序

余同年丁君黼臣以進士試吏於秦得延之靖邊隨牒到官今三年矣地介朔微蒙番錯處崩沙斷磧耕牧都稀而君顧孜孜爲治勤靡餘勞並以其暇成邑乘四卷郵書示余乞弁言首簡諒哉君之爲邑不以窮僻槁瘠之故而鄙夷弗屑也靖自我

朝雍正九年始升爲縣由是而上在勝國爲屯宿重兵之所遞設通判同知等員又嘗以按察副使駐節其地與城理任屹然巖要又其上淪棄異域與蕃部相出入者最久又其上當典午拓跋之間建郡立縣尋寘尋廢遷徙區并靡所於稽故志靖以雍正爲盤古云竊怪胥宇百六十有九年臨之以官司範之以校靖邊縣志一序

天子之命吏風聲西被乃不克爭自濯磨蟠然係於文教豈裸民導

俗不可以戶說耶抑無賢有司躬爲葦路之啓與之更始而鼓舞之之故耳然則君之創爲是志也其用意不誠深且遠哉願余更有進者吾夫子論鄭之爲命自草創而後若討論若修飾若潤色次第經畫汔用有成言之不可易也如是今觀是書發凡起例創始之功誠偉矣後有賢令尹當必隨時增訂以馴致其討論修飾潤色之功而文章治化有美備日臻焉者區區就

稿中所見及附證一二置諸凡例之後質之黼臣庶亦樂聞予
言而不以為謬也夫

光緒二十有五年己亥五月陝西按察使涇陽端 方讓

靖邊志稿序

嘗觀欲蔽一事因前猶易而期始獨難矧一方舊志兵燹無存邊境遐荒無多攷據乎然志乘之傳使後之覽者備悉山川之險易土田之肥磽戶口之增減風俗之美惡與夫歷來仕宦人物之賢否優劣因是驗沿革得失而圖治焉是不可以弗講余於光緒丁亥履任之始卽調取各屬圖志圖僅繪其大致志則多以殘缺散失脩輯不遑良用慨然甘省秦州丁君黼臣光緒壬辰進士以卽用儘先知縣於光緒丙申到靖邊任舉凡興利除弊因地制宜力能爲者悉心籌畫無怠弛茲以靖邑志告成囑余爲序一再展讀卷編爲四門分十二大綱細目井井有條

靖邊縣志序

曷勝忻慰爰攷黃河套內秦以前疆域非盡隸中土自秦咸有黃河以南之地築長城環出河北河套內之地歷漢晉隋唐宋元互有得失迨有明成化始築邊牆迄今東起晉邊黃河畔西抵甘邊橫城口邊牆綿互一千二百餘里接壤鄂爾多斯仍明之舊該旗明之敵國我之藩服邊牆內神府榆懷屬榆郡靖定屬延郡惟是經歷代收復終未淪於外番而其間每裁併改置故事則荒微無稽亦且今昔異宜光緒甲申延安劉守樹人慨府志之就湮網羅纂輯足臻美備特所轄寥廓兼及屬縣未獲周詳斯卷專爲斯邑而成索志略遺文不可得迺搜殘碑證故老更資紳士之夙所識聞於無可徵信中求徵信實與期始無

異被任三載而書卽成補斯邑之缺陷於以見賢勞盡職不長
難而阻且欲異日治斯邑者咸知山川形勢何如樹藝何如生
齒何如民風士習何如有所適從而設施得當前勞後逸裨益
良多卽余攷察吏治昔日之撫衷愷然者今不且披書了然而
不慮茫無依據也哉是爲序

光緒二十五年歲次己亥孟秋上澣

賜進士出身分巡延榆綏兵備道馬相如撰

靖邊志稿序

詩亡然後春秋作春秋所以繼詩之亡也史亡然後志作志又所以繼史之亡也故

國有一統志省有志郡縣皆有志凡星野沿革古蹟山川形勢風俗物產宏綱巨目纖微曲折靡不畢載閱者未入境而瞭然在目蓋非徒貢博贖也俾宰是邑者得知其民情土宜以善爲撫字所繫不綦重哉往年余權延榆綬道篆搜羅境內志靖邊闕如詢其故或曰失所傳也或曰燹於兵也吁文獻無徵宣聖致慨典型不在詩人嘆惜祇付諸抱殘守缺而已己亥夏僚友景紫垣觀察持靖邊

靖邊縣志序

丁黼臣明府手創邑志十二卷徵序於余以待梓余樂讀焉則疇昔之念遂而一邑星野之所分沿革之所辨古蹟之所存山川形勢之所名所在風俗物產之所尙所成燦然了然以是知丁君真學優才裕而深識治體也矧是志也前無因旁無攷左右無贊襄獨以訪察故老參酌羣籍掇殘文於斷碣探往蹟於荒煙卒能薈萃成書必使人信不涉抵牾疑似僞錯挂漏之弊其有益吏治亦何減於一統省郡諸志哉

賢邑侯殆深明春秋繼詩之義也夫

光緒二十五年己亥四月中浣在任候補道西安府知府童兆蓉拜叙

靖邊縣志稿序

凡事前有所因曰修前無所因曰創創不難於修乎哉况舉一
邑建置之本末山川之險易古蹟之留遺戶口物產之盈虛增
減學校風俗之盛衰醜薄稽諸聞編則無據訪之故老則失傳
修無從修創難爲創雖使班馬復生詎易成書而關中夙推喬
呂康韓王張諸君子又未必不棘手耶余鄉
丁君黼臣少從鄉先達 牛雪樵廉訪遊馳名蜀中錦江課藝
多選梓及成貢士官靖邊余爲鄜延守因公聚談輒以靖邑無
乘爲憾奈地處荒服屢遭兵燹學校陵夷典籍灰燼此真前無
從修後難爲創者也余及瓜代之明年

靖邊縣志序

黼臣知他處有靖志手卷屬余求旃卒弗獲迺公退之暇搜羅
遺檔摭拾斷碣旁求延安榆林保安各志參互攷訂薈萃成書
將付手民間序於余自慙葺陋然誼係梓桑義不容辭且諗
黼臣之賢捐廉俸以興學校冒風雨以勸農桑嚴胥吏以清獄
訟實心實政美不勝收而是志之成俾一邑沿革山川古蹟戶
口物產學校風俗井井燦列則前志之失傳者不終湮沒後志
之踵事者有所考証是喬呂康韓王張之志爲其修而又有贊
襄者功較易

黼臣之志爲其創而久無采訪者勢更難也古人可作何多讓
焉都人士沐

黼臣之澤體

黼臣之心將來富庶可期人才蔚起是
黼臣不負

朝廷命官之典而邑人不負

黼臣栽植之恩也余實有厚望焉

光緒二十五年歲次己亥仲呂月上浣吉日花翎三品銜
特用道前延安府知府平襄景星燿拜撰

靖邊志稿序

國史外有通志通志始於郡縣志而郡又始於縣縣志顧可缺乎哉獨是作志難作創志尤難有舊志而續修一切規模具在不過釐正其失補苴其缺略增益其昔所無今所有而已矧則無基可因自我作古非心係地方力任著作廣爲採訪勤爲蒐羅且有敷政優優之暇殫以窮年累歲之功不能辦嗚乎此其所以難也余曩承乏是邦垂十稔各屬之山川風土略能知梗概每樂與屬邑諸君子商舉廢墜曾以郡志殘缺而補刊之庶足備十邑之圖籍而獨惜靖邊無志竊以爲憾靖邊自雍正九年併五堡爲縣歷乾嘉道咸同數朝距今百六十餘年矣

靖邊縣志序

國家重熙累洽 德教覃敷守是土者不下數十人豈乏優於政事文學之選何以均未及此耶抑斯文待人而興亦自有其時耶今年秋余重蒞延州於風有所知者敢不矢慎矢勤益兢兢求治適黼臣大令靖邊縣志成捐廉將付梓而寄觀於余不禁躍然喜曰多年之憾釋於一朝是斯文待人而興果有其時矣細加披閱帙凡四卷類十二列目六十義例體要秩然有條遠稽建置於前朝近規幅員於 昭代戶口田賦攷盛衰豐耗之由學校典章爲易俗移風之本以及兵資捍衛官主措施發潛德之幽光表翹材之拔俗洪纖巨細靡不瞭如指掌朗若列眉焉夫以偏隅僻壤文獻無徵之地賢令尹獨慨然以規修爲

已任勞搜兩載竭慮殫精成此一家言洵足補前人之缺陷爲
後來之典要矣而自叙猶歉然于康對山胡可泉兩先生志余
以爲政不惟其文惟其實是編之成與康胡二志文章固各有
不同而足以備參稽資治理一也補臣汭靖有年政平訟理具
見撫綏之有術由是蒸蒸日上于所輯者一一因乎時地權其
利弊措正而施行之將凋敝轉爲庶富樸陋進於文明以仰副
聖天子設吏安民講讓型仁之意固補臣所樂爲而亦余所欲共勵
者已因叙而歸之

光緒二十五年歲次己亥

欽加鹽運使銜賞戴花翎延安府知府劉本植叙

靖邊縣志

序

二

靖邊縣志稿自序

曩在蜀襄校試卷初讀康對山殿撰武功志喜極欲狂嗣在籍
挂名續志局重讀胡可泉總憲秦安志景慕彌切壬辰到陝隨
派充輿圖總局纂說事圖書滿架除通志省志外各郡縣志鱗
集或以贖博勝或以簡賅名而就中予尤喜讀者則咸長兩縣
及定遠廳朝邑鳳縣各志時北山各屬表說分屬別友予憶似
有靖邊志二冊惜匆冗未遑寓目洎工竣局撤而予適題補斯
缺聞孫介眉大令初充輿圖差時備徵各郡縣志而皆得其副
本就借數次唯諾應之丙申予到任後徧詢父老僉稱靖邑向
無志書遂函託友人訪覓省垣及延榆各郡均無影息不得已
靖邊縣志

序

稟請

藩垣懇將前輿圖局所見書暫借發抄奉批此書向係孫令在
外轉借工竣還主今該縣有志修輯仍應移請孫令轉借當端
差備文並懇 前郡憲景紫垣觀察代求孫君蒙 景憲回函
據孫介眉面稱此書解會典館無從再借景憲又托人搜羅並
無此志噫異矣輿圖局有無此書予記憶原不真切今謂本無
此志書也微特介眉當日面諾即今日 藩垣之批與 景憲
之回函何以均歷歷不爽耶若謂本有此書耶又何以縣中遺
老尙有累世書齋詢均不知並覓省會各郡故家及坊間收賣
書肆均無一二遺冊耶是不可解也予無可爲計因購求府志

及榆郡定邊保安各新舊志並搜縣內殘碑遺檔証以故老傳聞旁採類輯無細不錄有疑必闕竭兩載追窮晝夜殫精枯索與廣文白少山邑明經辛天乙互相討論天乙多年播越周歷四境其耳目睹記之功多所資助而是編遂克有成雖體例雜湊才識短淺區區無當於古作者而洪龐初開撫拾灰燼聊備草創亦未始非二三十年一大快事也據邑歲貢高景輿言涼州郭君宰靖時渠在署見有手抄志略兩本今考府志修於嘉慶七年內開靖邊無志僅據前令趙贊縣冊如光咸以來或有刊本必多流傳何至竟無知者然則予前在輿圖局所見與孫介眉所借或卽此鈔本之秘籥歟邑自有明設衛我

靖邊縣志

二

朝雍正九年改爲縣歷經守土之官聰明幹達不知凡幾均未暇及志書予何人斯顧不揣固陋冒創此舉真無以自解於僭妄然使徃相推卸恐此後更多闕憾而修輯更難爲力也予茲懼矣且名人間世偶出必待世有對山而後可志武功必待世有可泉而後可志秦安是天下之可修志者曾無幾人而天下志竟可無人問耶予又何必過爲退憚也編旣成鈔呈列憲鑒定擬再捐廉倡刻庶可廣爲刷印以就正於各寅僚友誼並分布士庶俾無散佚他日有賢令尹精心裁酌損益完善以爭不朽於諸名作之後是又予所默禱而切盼者矣

光緒二十五年桃月知靖邊縣事秦安丁錫奎自序

又序

從來志與政通爲守令者必周知其地方之土俗民情方可因勢利導施措咸宜靖邑舊無志書凡天人時事之變遷山川靈秀之鍾毓歷任職官之更代土產風俗之替隆僅附見於延郡舊志而歷久未修闕略仍多况值同治多年兵燹邑中忠義之士巷戰陣亡與夫士民男婦罵賊徇節者實繁有徒非表揚而紀載之何以彰忠烈而闡風化幸光緒丙申邑宰丁公黼臣莅任首清積牘捐廉任勞創修公所培養文風汲汲圖治凡有益於民有損於民者次第興剔近又以採輯縣志告章章以爲先得我心因摘取府志所有並歷年採訪忠節男婦舊冊檔與邑

靖邊縣志

序

明經辛君天乙分門編次又得五堡士紳各就見聞所及廣搜而確証之以仰副丁公之志而樂贊其成至乾嘉以來文獻無徵茫茫滄桑付之闕如而已

特授靖邊縣訓導綏德州白翰章謹序

新修靖邊縣志稿銜名

鑒定

欽命二品頂戴陝西提刑按察使司按察使端方
欽命二品頂戴分巡延榆綏兵備道馬相如
欽加三品銜在任候補道前延安府知府松山
欽加鹽運使銜賞戴花翎延安府知府劉本植

總纂

賜進士出身在任候補直隸州靖邊縣知縣丁錫奎
協修

持授靖邊縣儒學訓導己丑舉人白翰章

靖邊縣志

官銜

候選儒學訓導邑歲貢生辛居乾

參訂

候選儒學訓導邑歲貢生張訓

候選州判拔貢生張宗淵

邑附貢生李生輝

邑廩貢生李常美

採訪

邑歲貢生米江杭

邑歲貢生李葆香

邑恩貢生馬成彪

邑 歲 貢 生高望曾

邑 歲 貢 生李鳳舞

邑 附 生白秉西

邑 附 生李世舉

邑 恩 貢 生張金聲

抄刊

邑 歲 貢 生王憲曾

邑 附 生宋懷明

邑 廩 生田呈珍

邑 廩 生王省

清遠縣志卷一 二

邑 附 生沈桂芳

秦 安 縣 歲 貢 生胡珍儒

綏 德 州 附 生延錫純

督刊

花翎遊擊銜鎮靖營都司趙吉祥

升用主簿靖邊縣典史劉慶銘

邑 生丁繼志

邑 附 生王尚志